

**FEDERATA E BOKSIT
E KOSOVËS**



**BOXING FEDERATION
OF KOSOVA**

Tel/Fax: +383 38 247 578; Mob: +383 44 112824,44 208 215 E-mail fboxk@hotmail.com
Adress: Str. Agim Ramadani no: 43, House of Sport I floor no3, 10000 PristinaKosova
NLB Bank No: 1701001010850503

Në bazë të nenit 30 nënpika 6 e Statutit të Federatës të Boksit të Kosovës, Bordi i FBOXK-se, në mbledhjen e vet të mbajtur më 18.06.2022 miratoi këtë:

RREGULLORE DISIPLINORE E FBOXK-së

RREGULLORE DISIPLINORE TË FBOXK-së - DISPOZITA THEMELORE:

Neni 1

Me këtë rregullore mbrohet amatorizmi në sportin e boksit, rregullat e organizatës së boksit dhe mbarëvajtja e garave në boks, sistemi i garave, rregullsia e regjistrimit të sportistëve dhe organizatave të boksit, obligimet e klubeve dhe individëve ndaj seleksioneve të reprezentacionit, obligimet esportistëve, punëtorëve sportivë, referëve, organizatave themelore të boksit, marrëdhëniet në mes tyre dhe prestigji i tyre.

Neni 2

Rregullorja disiplinore e FBOXK përcakton procedurën dhe masat ndaj të gjithë atyre që cenojnë rregullat e garës së boksit, që shkelin Statutin dhe rregulloret e tjera përkatëse të FBOXK, si dhe atyre që cenojnë prestigjin e sportit të boksit në mënyra të ndryshme, duke nënkuptuar edhe prezantimin në vend dhe jashtë tij.

Neni 3

Qëllimi i ndëshkimit është edukimi i anëtarëve të organizatave të boksit (garuesve dhe personave të tjerë përgjegjës), në frymën sportive, në forcimin dhe zhvillimin e përgjegjësisë dhe disiplinës së tyre, në zbatimin e drejtë të rregullave të përcaktuara me Aktet Normative të FBOXK, si dhe në ndikimin për sjellje sportive të simpatizuesve të tyre.

Neni 4

Askush nuk mund të dënohet për veprimtarinë ose lëshimin e tij, para se të jetë kryer, e i cili me norma nuk është cilësuar si delikt disiplinor e as që është paraparë mënyra e ndëshkimit për kryerjen e deliktit disiplinor.

Neni 5

Shkeljet disiplinore mund të parashihen me Statutin e FBOXK, statutet e organizatave të bashkuara të boksit të Kosovës, rregullat e FBOXK, , si dhe Propozicionet e garave.

Neni 6

Kundërvajtja disiplinore mund të kryhet me veprim, qëllim apo lëshim.
Kundërvajtja disiplinore është kryer me lëshim, në qoftë se kundërvajtja nuk e ka kryer veprimin të cilin është dashur ta kryejë. Kundërvajtja disiplinore nga paragrafi 1 dhe 2 i këtij neni, ndëshkohet konform dispozitave të kësaj rregulloreje.

Neni 7

Kundërvajtja disiplinore është kryer në vend dhe kohë në të cilin kundërvajtja ka vepruar dhe punuar, pavarësisht se kur është arritur pasoja e saj.

Neni 8

Mosnjohja e dispozitave në të cilat është paraparë përgjegjësia disiplinore nuk e arsyeton dhe nuk e liron askënd, mirëpo organi kompetent që e udhëheq.

Procedurën disiplinore, mund të shqiptojë ndëshkimet më të buta për ata të cilët nuk kanë ditur se një veprim i tillë është i ndaluar.

Neni 9

Kundërvajtja disiplinore në tentim do të ndëshkohet sikur të ishte kryer vetë kundërvajtja disiplinore e paraparë në akte gjegjëse. Për tentim të kundërvajtjes disiplinore nga ai që nuk është shkaktuar pasoja e dëmshme, mund të shqiptohet dënimi më i butë sa kundërvajtja e kryer.

Neni 10

Në qoftë se kundërvajtja disiplinore është shkaktuar me veprimin e më shumë pjesëmarrësve, të gjithë ata do të ndëshkohen si bashkëveprues (bashkëpjesëmarrës). Kush e nxit tjetri apo e ndihmon të shkaktojë kundërvajtjen disiplinore, do të dënohet sikurse ta kishte kryer vetë kundërvajtjen.

Neni 11

Dispozitat themelore të kësaj rregulloreje do të zbatohen ndaj:

- të gjitha organizatave të boksit të regjistruara në FBOXK,
- të gjithë anëtarëve të organizatave themelore të boksit,

Pjesa e veçantë dhe vlerësimi i dispozitave të kësaj rregulloreje do të zbatohet ndaj kohëve të cilat garat i zhvillojnë në rangun shtetëror dhe komunal ndërkomunal, ndaj klubeve në garat përfundimtare të Kupës së Kosovës, ndaj punëtorëve sportivë të boksit, të cilët janë anëtarë të organeve dhe trupave të tjerë të Bordit dhe Kuvendit të FBOXK, ndaj anëtarëve të organeve që udhëheqin garat, si dhe ndaj referëve që bëjnë kundërvajtje gjatë garave të sportit të boksit.

Neni 12

Në qoftë se janë kryer më shumë kundërvajtje disiplinore, atëherë do të përcaktohet lartësia e dënimit për secilën kundërvajtje veç e veç, pastaj do të shqiptohet dënimi unik, i cili mund ta kalojë në dënimeve individuale, si dhe të jetë më i lartë se dyfishi i dënimit më të rëndë të shqiptuar.

Neni 13

Dënimi i plotëfuqishëm apo masa e ndërmarrë, sipas dispozitave të kësaj rregulloreje, duhet të ketë efekt veprues në veprimtarinë e anëtarëve të organizatave të boksit. Personi i dënuar apo i suspenduar me ndalesë të ushtrimit të të gjitha funksioneve në organizatat e boksit, nuk mund të ushtrojë kurrfarë funksioni në asnjë organ të klubit, Federatës dhe as ta përfaqësojë klubin apo organizatën në gara në vend dhe jashtë tij gjatë kohëzgjatjes së dënimit.

Neni 14

Me rastin e matjes së dënimit për kryerësin e kundërvajtjes disiplinore, do të merren parasysh të gjitha rethanat të cilat ndikojnë në lartësinë e dënimit, rethanat lehtësuese dhe rënduese e posaçërisht:

- pesha e kundërvajtjes disiplinore dhe pasojat e saj,

- shkalla e përgjegjësisë së kryerësit të kundërvajtjes disiplinore,
 - vetitë morale të kryerësit të kundërvajtjes,
 - sjelljet e mëparshme të kryerësit, përkatësisht a është dënuar ai më parë për shkelje të njëjta apo të ngjashme të rregullave disiplinore në lëmin e boksit dhe
 - sjelljet dhe qëndrimi i të dënuarit para dhe pas shqiptimit të kundërvajtjes.
- Varësisht nga rrethanat e verifikuara bëhet edhe shqiptimi i dënimit.

Neni 15

Kundërvajtjet disiplinore të kryera në përsëritje, ndëshkohen më ashpër.

Neni 16

Në qoftë se kryerësi i kundërvajtjes në afat prej dy vjetësh nga vuajtja e dënimit të fundit nuk kryen kundërvajtje disiplinore të re, do të konsiderohet sikur nuk ka qenë fare i dënuar. Përfundime nga paragrafi paraprak bëjnë diskualifikimi i përfundim dhe përfundimi nga klubi.

Neni 17

Askush nuk mund të dënohet pa u marrë në pyetje apo pa dhënë deklaratë me shkrim. Nëse kryerësi i kundërvajtjes disiplinore nuk i përgjigjet seancës së marrjes në pyetje, ose nuk jep deklaratë me shkrim pas dy ftesave të organit kompetent, vendimi për dënim mund të bëhet në bazë të argumenteve të mbledhura.

Neni 18

Procedura disiplinore konsiderohet me prioritet dhe duhet të përfundojë më së voni në afat prej 30 ditësh nga dita e marrjes të fletëparaqitjes.

Neni 19

Përkrahimi për kundërvajtje disiplinore të cilat konform dispozitave të kësaj rregulloreje ndëshkohen me dënim deri 3 vjet, është 3 muaj nga dita e kundërvajtjes së kryer, ndërsa për kundërvajtjet e rënda (diskualifikimi i përfundim), është një vit pas kundërvajtjes së kryer - përkrahimi absolut.

Neni 20

Vendimet e plotëfuqishme për dënimet e shqiptuara, evidencohen në librezat e anëtarësisë (garuesw, punëtorë sprovivë etj.), si dhe në evidencën e organit kompetent të FBOXK. Vendimet e plotëfuqishme për dënimin e organizatave të boksit, shpallen publikisht dhe njëherit evidencohen pranë organit kompetent të FBOXK-së.

Neni 21

Për kundërvajtje disiplinore mund të shqiptohen këto dënime:

A.INDIVIDËVE -sportistëve

- I. Vërejtja,
- II. Qortimi,
- III. Ndalesa për të garuar dhe ushtruar funksionin (referët, trajnerët, zyrtarë , punëtorët sportivë të boksit etj),
- IV. Përfundim nga organizata e boksit,
- V. Diskualifikimi i përfundim nga sporti i boksit,
- VI. Dënim me të holla personave të punësuar në organizatat e boksit.

B. ORGANIZATAVE TË BOKSIT:

1. Vërejtja,
2. Qortimi,
3. Dënim me të holla,

4. Ndalesa e pjesmarrjes në numër të caktuar të garave kampionale, të Kupës apo garave kombëtare,
5. Ndalesë e pjesmarrjes në gara për kohë të caktuar në vend dhe jashtë vendit,
6. Përfshirje nga organizata e boksit,
7. Ndallim i ushtrimit të punëve në organet përkatëse të garave.

Neni 22

Dënimi i ndalesës për numër të caktuar të garave nuk mund të jetë më i madh se 8 muaj. Dënimi i ndalesës me garë për numër të caktuar të garave mund të shqiptohet në të gjitha rastet ku është paraparë minimumi i përgjithshëm i dënimit të ndalesës së garës për kohë të caktuar. Dënimi me të holla mund t'iu shqiptohet personave që ushtrojnë profesionalisht detyra në boks dhe organizata të boksit, ai nuk mund të jetë më i vogël se 50 € e as më i madh se 200 €, ndërsa për persona të cilët janë në marrëdhënie pune me organizatën e boksit 15% nga të ardhurat personale në maksimumin e periudhës kohore prej 6 muajsh. Në vendimin mbi dënimin përcaktohet afati dhe mënyra e pagesës së dënimit me të holla, i cili nuk mund të jetë më i shkurtër se 15 ditë e as më i gjatë se 30 ditë për organizatat e boksit, ndërsa për persona në marrëdhënie pune 6 muaj. Dënimi me të holla mund të shqiptohet si dënim kryesor i parë dhe si dënim plotësues i dorës së dytë.

Neni 23

Mjetet nga dënimet me të holla paguhen në favor të avancimit - përparimit të boksit të juniorëve dhe këto, dënime të cilat i shqiptojnë organet disiplinore të FBOXK-së shkojnë në fond të FBOXK-së.

Neni 2

Klubi apo organizata e boksit, dënimet me të holla i paguajnë në xhirrollogaritë rrjedhëse të FBOXK-së.

Neni 25

Afati për kryerjen e dënimeve nuk mund të jetë më i shkurtër se 3 muaj dhe më i gjatë se një vit, me ç'rast dënimi nuk do të ekzekutohet në qoftë se gjatë kësaj periudhe i dënuari nuk do të bëjë asnjë kundërvajtje disiplinore.

Neni 26

Dënimi me kusht do të fuqizohet nëse i dënuari me kusht në afatin për të cilin është shtyrë ekzekutimi i dënimit ka bërë çfarëdo kundërvajtjeje disiplinore.

KUSHTET PËR SHQIPTIMIN E DËNIMIT

Neni 27

Me rastin e shqiptimit të dënimit, organi i disiplinor duhet të ketë parasysh kushtet e parapara me Nenin 14 të kësaj rregulloreje.

Neni 28

Pjesëmarrësi i kundërvajtjes disiplinore, i cili ka qenë i dënuar së paku dy herë dhe i cili tregon afinitet për përsëritjen e kundërvajtjeve disiplinore, mund të dënohet më ashpër nga organi disiplinor, por jo më ashpër se që është paraparë me Nenin 12 të kësaj rregulloreje.

Neni 29

Veçanërisht si raste të rënda të kundërvajtjeve disiplinore për të cilat organet disiplinore mund t'i shqiptojnë kundërvajtjesit dënimin më të rëndë, konsiderohen

ato kundërvajtje, gjatë kryerjes së të cilave kundërvajtësi ka vepruar me vendosmëri, këmbëngultësi dhe paarsyeshmëri të veçantë, apo kur kundërvajtja disiplinore ka shkaktuar pasoja veçanërisht të rënda, apo është kryer nën rrethana veçanërisht të rënda.

Neni 30

Për të gjitha kundërvajtjet disiplinore të shkaktuara nga punëtorët sportivë të boksit, si përfaqësues të klubeve dhe organizatave të boksit, mund të ndëshkohen vetë klubet dhe organizatat e boksit.

PJESA E VEÇANTË

KUNDËRVAJTJET E ORGANIZATAVE - KLUBEVE

Neni 31

Ekipi i cili pa arsye nuk paraqitet në garat të përhershme, ose në garat në të cilat është i obliguar të paraqitet, do të dënohet me të holla në shumë prej 200 €. Ekipi i cili pa arsye tërhiqet nga garat do të dënohet me ndalesë që të paraqitet në gara më së paku një vit.

Neni 32

Ekipi i cili nuk i përmbush obligimet e tij ndaj përfaqësuesve të Kosovës (reprezentacioneve) ose e vështirëson përmbushjen e tyre, do të dënohet me më të holla në shumë prej 200 €. Tentimi do të ndëshkohet.

Neni 33

Klubi i cili pa arsye e lëshon garën dhe në thirrje të gjyqtarëve refuzon ta vazhdojë garat, do të ndëshkohet me dënim me të holla në shumë prej 300 € .

Neni 34

Nëse ekipi në gara sillet në mënyrë josportive, pasojë e së cilës është shkaktimi i incidentit apo ndërprerja e garave, ajo do të dënohet me 500€, e në rast me të rënda do të ketë dënim edhe mesuspendim për kohë të caktuar nga 1 deri në 5 vite nga garat që organizohen nga FBOXK-së

Neni 35

Klubi, organizata ose organi i cili jep ose verifikon të dhëna të pavërteta, do të ndëshkohet me dënim me të holla në shumë prej 300 €. Personi përgjegjës në ekip, organizata ose organe të boksit për kundërvajtjen e paragrafit paraprak, do të dënohet me ndalesën e të ushtruarit të të gjitha funksioneve në sportin e boksit prej 6 muajve deri në 1 (një) vit. Tentimi do të ndëshkohet.

Neni 36

Klubi i cili radhazi nuk i ka zhvilluar dy gara zyrtare do të dënohet me të holla në shumë prej 200 €.

Neni 37

Klubi, organizata apo organi kompetent i boksit i cili nuk i përmbush obligimet e parapara ndaj FBOXK dhe subjekteve të tjera të sportit të boksit, Personi përgjegjës në klub, organ apo në organizatë, do të dënohet me ndalesë të të ushtruarit të funksionit në sportin e boksit prej 1 (një) deri në 3 (tre) vjet.

Organizatave të boksit, lidhjet dhe organet e tyre do të dënohen me ndalesë të të ushtruarit të punëve dhe të detyrave të tjera në këto organizata, ndërsa anëtarët përgjegjës të tyre do të përjashtohen prej organizatave gjegjëse.

Neni 38

Klubi në përbërjen e të cilit paraqitet sportisti i paregjistruar ose i regjistruar në mënyrë jo të rregullt (i suspendur ose nën dënim) do të dënohet me 200€.

Neni 39

Klubi i cili paraqitet jashtë vendit (Kosovës) për zhvillimin e garave ndërkombëtare dhe ndeshjeve të tjera pa lejen e organit kompetent dhe i cili nuk i përmbahet rregulloreve ndërkombëtare të sporteve përkatëse, do të dënohet me ndalesën e paraqitjes jashtë Kosovës në kohëzgjatje deri një vit, si dhe dënimi me të holla në shumë prej 500 €.

Neni 40 Klubi, garuesit apo funksionarët e të cilit me qëndrime dhe sjelljet e tyre jashtë vendit, i shkaktojnë dëme autoritetit të vendit (Kosovës), autoritetit të organizatës së boksit, autoritetit të FBOXK dhe autoriteteve të bashkësive të tjera shoqërore-politike, do të dënohet me ndalesë të paraqitjes jashtë vendit në kohëzgjatje deri një vit. Për rastet tejet të rënda klubi do të dënohet me të holla 500€, si dhe me ndalesë të pjesëmarrjes nga 1 deri në 5 vite.

Neni 41

Klubi i cili me mito dhe mashtrim anëtarëson lojtarë nga klubet e tjera, me ç'rast shkel parimet e amatorizmit, do të dënohet me largim nga garat për 6 muaj.

Tentimi do të ndëshkohet.

Personi përgjegjës i klubit i cili në çfarëdo mënyre është i implikuar në këto punë, do të dënohet me ndalim të ushtrimit të të gjitha funksioneve në sportin e boksit prej 1 (një) deri 2 (dy) vjet.

Neni 42

Klubi i cili e ushtron veprimtarinë e vet në kundërshtim me dispozitat e Kushtetutës së vendit, dispozitat e Statutit të FBOXK, dispozitat e Rregulloreve mbi organizimin e garave, dispozitat e Propozicioneve të garave, varësisht nga pesha e kundërvajtjes, do të dënohet me ndalesë në zhvillimin e më së paku 3 garave brenda vendit, ose me përjashtim nga organizata e boksit.

Personi përgjegjës për kundërvajtje nga paragrafi paraprak do të dënohet me ndalimin e të ushtruarit të të gjitha funksioneve në sportin e boksit, në kohëzgjatje prej 1 (një) deri në 3 (tre) vjet.

Neni 43

Klubi i cili shkel dispozitat e Rregullores mbi mbrojtjen shëndetësore të sportistve (nuk bën kontrollimin mjekësor të tyre), do të dënohet me dënim me të holla në shumë prej 200 €.

KUNDËRVAJTJET E INDIVIDËVE

Neni 44

Garuesi i cili pa arsye nuk paraqitet në garën për të cilën është caktuar nga klubi, do të dënohet me ndalesë garimi në kohëzgjatje deri në 6 muaj. Tentimi do të ndëshkohet.

Neni 45

Garuesi, trajneri, funksionari apo personi përgjegjës në klub, i cili i bind sportistët e tjerë që për shkaqe të ndryshme ta lëshojnë ringun ose pengojnë zhvillimin normal të garës, dënohet: Trajneri, funksionari ose personi tjetër përgjegjës, me ndalesë të të ushtruarit të të gjitha funksioneve në kohëzgjatje më së paku prej 6 muaj deri në një 1 vit.

Tentimi do të ndëshkohet.

Neni 46

Nëse garuesi, gjyqtari apo personi përgjegjës i boksit është shkaktar i ndërprerjes dhe vazhdimit të garës, do të dënohet me ndalesë garimi ose ndalesë ushtrimi në funksionit prej 6 muaj deri në 2 vjet. Tentimi do të ndëshkohet.

Neni 47

Garuesi i apo zyrtari i klubit i cili fizikisht e sulmon gjyqtarin, në ring apo jashtë saj për shkak të sportit të boksit , do të dënohet dhe përjashtohet përjetë nga sport i boksit.

Neni 48

Garuesi, trajneri, gjyqtari dhe punëtori i boksit, i cili para, gjatë dhe pas përfundimit të garve ka sjellje josportive ndaj shikuesve dhe personave zyrtarë, do të dënohet:

- garuesi me ndalesë garimi së paku 6 muaj deri një vjet ,
- trajneri, punëtori i boksit dhe gjyqtari, me ndalesë ushtrimi të funksionit prej 6 muajve deri në 1 vjet.

Neni 49

Garuesi, trajneri apo punëtori i boksit, i cili e ofendon gjyqtarin ose personat zyrtarë, do të dënohet me ndalesë garimi, përkatësisht ndalesë të ushtrimit të funksionit prej 2 – 6 muaj. Në rastet e perseritura dënimet do të jenë progresive pre 6 muaj deri një vjet.

Neni 50

Garuesi i cili e shfrytëzon dokumentacionin e falsifikuar, i cili paraqitet me emër të rrejshëm ose i cili me rastin e regjistrimit jep shënime të rrejshme, përkatësisht paraqitet në ekip para se të fitojë të drejtën e garës, apo në çfarëdo mënyre bie në lajthitje ekipin ose organin e garave, do të dënohet me ndalesë garimi prej 6 muajve deri në 1 vit.

Nëse kundërvajtjen nga paragrafi 1 i këtij neni e kryen punëtori sportiv i boksit, do të dënohet me ndalim të ushtrimit të të gjitha funksioneve në sportin e boksit , , së paku 2 vjet, ndërsa në rastet e rënda me diskualifikim të përjetshëm.

Neni 51

Nëse sportisti paraqitet për ekipen tjetër pa lejen e klubit të tij për të cilin është i regjistruar do të dënohet me ndalesë garimi deri në një vit.

Neni 52

Sportisti , gjyqtari, trajneri apo punëtori sportiv i boksit i cili paraqitet nën dënim apo nën suspendim, dhe i cili ushtron funksione në organizatën e boksit do të dënohet me ndalesë loje, përkatësisht me ndalesë të ushtrimit të funksionit në bot prej 6 muajve deri në 2 vjet.

Neni 53

Sportisti i cili pa arsye nuk paraqitet në garat e reprezentacionit ose nuk i bashkëngjitet përgatitjeve të reprezentacionit, do të dënohet me ndalesë garimi prej 6 muajve deri në dy vjet.

Tentimi do të ndëshkohet.

Neni 54

Sportisti, gjyqtari, trajneri apo punëtori sportiv i boksit, të cilin organi përkatës e fton për ta marrë në pyetje ose prej të cilit kërkon deklaratë me shkrim e i cili pa arsye nuk i përgjigjet ftesës apo nuk e dërgon deklaratën e kërkuar ose atë e dërgon pas afatit të paraparë, do të dënohet me vërejtje, qortim ose ndalesë garimi, përkatësisht ndalesë të ushtrimit të funksionit prej 2 muajve deri në një vit.

Neni 55

Kush sillet në mënyrë josportive (ofendon, fyen, shan, etj.), ndaj sportistve, gjyqtarëve, punëtorëve sportivë të boksit, funksionarëve, udhëheqësve të organeve dhe organizatave të boksit, para, gjatë dhe pas përfundimit të garës do të dënohet me vërejtje, qortim ose ndalesë të garës, përkatësisht ushtrimit të funksionit në sportin e boksit deri në një vit.

Nëse sportistët apo personat e tjerë zyrtarë të klubeve, Federatës, shoqatave të gjyqtarëve, trajnerëve dhe shoqatave të tjera të boksit japin deklarata për shtyp dhe opinion të rrejshme, të pa argumentuara, të cilat dëmtojnë autoritetin e Federatës do të dënohen me ndalesë ushtrimi të funksioneve në boks prej 1 viti deri në 2 vjet.

Neni 56

Nëse sportisti i regjistruar paraqitet jashtë vendit, ose për ndonjë ekip të huaj pa lejen e organizatës përkatëse të boksit, do të dënohet me ndalesë loje prej 6 muajve deri në një vit.

Neni 57

Sportisti i cili përdor mjete të ndaluara stimulative për shtimin e aftësive fizike, do të dënohet me ndalesë garimi prej 3-6 muaj. Në raste të rënda dhe të përsëritura më shumë herë, ai do të dënohet me ndalesë garimi deri në 2 vjet ose me përjashtim nga organizata e boksit. Punëtori sportiv i boksit i cili në mënyra të ndryshme e ka ndihmuar sportistin në përdorimin e mjeteve të ndaluara, klubi, me dijen e të cilit sportistët i kanë shfrytëzuar mjetet e ndaluara, do të dënohen me ndalim të ushtrimit të funksioneve në sportin e boksit deri në 2 vjet, e në raste më të rënda dhe të përsëritura, do të dënohen me përjashtim nga organizata e boksit. Tentimi do të ndëshkohet.

Neni 58

Gjyqtari, i cili në kohën e caktuar nuk vjen apo fare nuk vjen për zhvillimin e garës në të cilën është caktuar, ndërkaq mosardhjen nuk e argumenton në afatin e paraparë nuk e lajmëron organin kompetent i cili do të kishte caktuar gjyqtarin rezerv, do të dënohet me ndalesë referimi në kohëzgjatje prej 6 muaj.

Dënimi i paragrafit paraprak i këtij neni do t'i shqiptohet edhe gjyqtarit, i cili është i pranishëm por pa arsye nuk e referon gara.

Neni 59

Gjyqtari, i cili nuk e ka referuar në gara i pajisur me veshje të paraparë për gjyqtar, do të dënohet me dënim me të holla në shumë prej 50 € e në rastet e përsëritura me ndalesë referimi prej 3 muajve deri në një vit.

Neni 60

Gjyqtari, i cili gjatë referimit bën shkelje materiale të dispozitave të Rregulloreve të garës së boksit, i cili plotësisht nuk i njeh ato, përkatësisht nuk i njeh dispozitat e Akteve normative në fuqi nga lëmi i sportit të boksit, të organeve të cilat i organizojnë garat, do të dënohet me ndalesë referimi prej së paku 6 muaj deri në 1 vit.

Neni 61

Gjyqtari, i cili para, gjatë dhe pas përfundimit të garës, sillet në mënyrë josportive, ose i cili fizikisht e sulmon sportistin, trajnerin, punëtorin sportiv të boksit apo shikuesin, do të dënohet me ndalesë referimi prej 1 - 2 vjet, e në rastet posaçërisht të rënda, me diskualifikim të përvetshëm.

Neni 62

Gjyqtari, i cili merr mito për obligimet që duhet kryer gjatë referimit e që rrjedhin nga dispozitat përkatëse të garës së boksit, do të dënohet me ndalesë referimi, përkatësisht ndalim të ushtrimit të funksionit së paku 3 muaj e më së shumti 1 vit, e në raste posaçërisht të rënda, me diskualifikim të përvetshëm ose me largim nga organizata e boksit.

Neni 63

Gjyqtari ose punëtori sportiv i boksit, i cili ushtron detyrën e delegatit-kontrollorit, i cili nuk paraqet raport apo paraqet raport jo të saktë, duke bërë ndryshime rreth situatave relevante të garës, do të dënohet me ndalesë referimi, përkatësisht ndalesë të ushtrimit të funksionit në kohëzgjatje prej 6 muajve deri në 1 vit.

Neni 64

Nëse punëtori sportiv i boksit nuk e kryen detyrën për të cilën është caktuar, duke mos e argumentuar abstenimin me prova bindëse, do të dënohet me ndalim të ushtrimit të funksionit së paku 3 muaj, e në rastet e përsëritura deri në 1 vit.

Neni 65

Në qoftë se anëtari i organizatës së boksit, kërkon prej anëtarëve të tjerë të organizatës, klubeve, shoqatave të boksit, dobi materiale për kryerjen e punëve për të cilat është caktuar, ose ato nuk i kryen edhe pse është i obliguar t'i kryejë, do të dënohet me ndalim të të gjitha funksioneve në sportin e boksit së paku 1 vit, e në rastet e përsëritura dhe posaçërisht të rënda, me diskualifikim të përjetshëm dhe përjashtim nga organizata e boksit. Nëse kundërvajtjen nga alineja paraprake e ka shkaktuar funksionari apo anëtari i klubit, atëherë klubi do të dënohet me të holla së paku 200 €.

Neni 66

Trajneri apo punëtori sportiv i boksit, i cili nën kërcënim e detyron sportistin të paraqitet, e bie nën dënim, suspendim (pa kontroll mjekësor, me emër të rrejshëm dhe librezë të huaj të anëtarësisë), do të dënohet së paku me një vit ndalesë të të ushtruarit të të gjitha funksioneve në sportin e boksit, ose me përjashtim nga organizata e boksit.

Neni 67

Gjyqtari i cili referon nën dënim apo suspendim, do të dënohet me ndalesë referimi prej 6 muaj deri në 1 vit.

Me dënimin nga paragrafi paraprak, do të ndëshkohet gjyqtari, i cili jep deklarata të rrejshme për mjetet e informimit lidhur me situatat eaktuara të cilat i përkasin sportit të boksit dhe punëtorëve sportivë të tyre.

Neni 68

Punëtori sportiv i boksit, gjyqtarët, sportistët si anëtarë të organizatave të boksit, funksionarët, përgjigjen për çdo shkelje të dispozitave të akteve në fuqi, të organizatave drejtuese të notit.

Për shkeljen e dispozitave të përmendura, anëtari i organizatës së boksit do të dënohet me ndalesë pjesmarrje në gara, përkatësisht ndalesë të të ushtruarit të funksionit si vijon:

- për shkak të keqpërdorimit të detyrës zyrtare apo tejkalimit të autorizimeve, prej 6 muajve deri 1 vit, e në raste posaçërisht të rënda me diskualifikim të përjetshëm dhe përjashtim nga organizata e boksit,
- për shkak të imponimit në nxjerrjen e akteve tëaktuara në kundërshtim me ligjet pozitive ekzistuese, të cilat e rregullojnë lëmin e boksit, me dënim deri në një vit, kurse me diskualifikim të përjetshëm dhe përjashtim nga organizata e boksit ndëshkohet kur si propozues i tyre ka ditur se ato janë në kundërshtim me ligjet pozitive,
- për shkak të kundërshtimit të politikës së përcaktuar në sport dhe kulturë fizike nga ana e organeve përkatëse të FBOXK, me ndalim të ushtrimit të të gjitha funksioneve në sportin e boksit më së paku 6 muaj deri në 1 vit, e në raste shumë më të rënda, me diskualifikim të përjetshëm dhe përjashtim nga organizatat e boksit,
- për shkak të refuzimit të paarsyeshëm për konvokimin e mbledhjes së organeve, trupave të organizatës së boksit, kryetar i së cilës është, me ndalim të ushtrimit të funksioneve në sportin e boksit prej 6 muajve deri në një vit,
- për shkak të regjistrimit të parregullt të lojtarit, të lëshuarit të dokumentacionit për regjistrim në bazë të dokumenteve të dyshimta apo të rreme, si dhe mbajtjes jo të saktë të

librit të regjistrit, me ndalim të të ushtruarit të të gjitha funksioneve në sportin e boksit së paku një vit, e në rastet e rënda, me përjashtim nga organizata e boksit dhe diskualifikim të përvetshëm,

- për shkak të dhënies së vërtetimit me nënshkrim apo vulë të dokumenteve të organizatës të boksit, të cilat janë të bazuara rrejtshëm, me ndalim të ushtrimit të të gjitha funksioneve në sportin e boksit së paku një vit,
- për shkak të ikjes në ushtrimin e funksionit të caktuar, me vërejtje qortim apo ndalim të ushtrimit të funksionit 6 muaj.
- Për shkak të sjelljeve të cilat e fyejnë autoritetin e organizatës së boksit, prej 6 muajve deri në një vit ndalim të ushtrimit të funksionit,
- Për shkak të marrëdhënieve të parregullta ndaj organeve kompetente të organizatës së boksit, me ndalim të ushtrimit të funksionit deri në një vit,
- Për shkak të moszbatimit të mendimeve, konkluzave dhe akteve të tjera përkatëse të organizatës së boksit, me ndalim të ushtrimit të funksionit deri në një vit.

Neni 69

Klubi i cili nuk e zbaton vendimin e plotëfuqishëm dhe të ekzekutueshëm të organit kompetent, do të ndëshkohet me dënim në të holla në shumë deri 200 €.

DISPOZITAT PROCEDURALE

Organet disiplinore:

Neni 70

1. Kundërvajtjet disiplinore të shkaktuara brenda klubit, i shqiptojnë organet disiplinore të përcaktuara me Statut dhe Rregullore disiplinore të klubit.
2. Kundërvajtjet disiplinore të shkaktuara në gara, lidhur me garat në shkallë të parë i shqyrton komisioni i garave, përkatësisht organi ekzekutiv i Bordit të FBOXK-së.
3. Kundërvajtjet disiplinore të parapara në aktet e FBOXK-së dhe lidhjeve komunale të boksit, organet kompetente të përcaktuara me këto akte.
4. Kundërvajtjet disiplinore, të cilat i kryejnë individët apo organizatat e boksit, lidhur me kryerjen e obligimeve nga kompetencat e FBOXK, komisioni disiplinor i Bordit të FBOXK-së në shkallë të parë, ndërsa Këshilli i garave në shkallë të dytë.

Organet disiplinore përbëhen prej 3 . Vendimet meritore merren me praninë e shumicës së anëtarëve të Komisionit disiplinor.

Të gjitha organet disiplinore janë të obliguara të mbajnë evidencën e dënimeve të plotëfuqishme, të cilat i kanë shqiptuar.

Neni 71

- I. Hapja dhe rrjedha e procedurës:

Neni 72

Ndaj askujt nuk mund të fillojë procedura disiplinore dhe askush nuk mund të dënohet, në qoftë se fletëparaqitja nuk është bërë në afatin e paraparë. Afati për paraqitjen e fletëparaqitjes disiplinore është 30 ditë nga dita e kundërvajtjes së bërë, përkatësisht konform afatit të paraparë në nenin 19 të kësaj rregulloreje.

Neni 73

Vendimet, punët dhe veprimet e procedurës disiplinore i ndërmerr dhe i miraton organi kompetent disiplinor. Disa punë dhe veprime të procedurës disiplinore, mund t'i kryejë anëtari i autorizuar i organizatës së boksit (vëzhgimi, shikimi i vendit të ngjarjes).

Neni 74

Kryerësi i kundërvajtjes disiplinore ka të drejtë që me shpenzime të veta të kërkojë nga organi disiplinor pjesëmarrjen në seancat e udhëhequra në të dy shkallët (shkalla I dhe II.). Organet disiplinore janë të obliguara të aprovojnë kërkesën e tij.

Neni 75

Procedura disiplinore inicohet në bazë të:

- raportit të delegatit,
- fletëparaqitjes të çdo personi, anëtar i organizatës së boksit, i cili e vëren kundërvajtjen disiplinore,
- fletëparaqitjes së trupave dhe organeve të boksit,
- fletëparaqitjes së gjyqtarit,
- fletëparaqitjes së organizatave të boksit,
- fletëparaqitjes nga ana e sekretarit të FBOXK-së
- fletëparaqitjes së Bordit të FBOXK,
- sipas detyrës zyrtare, kur organi disiplinor ka dijeni se është kryer kundërvajtja disiplinore.

Të gjitha fletëparaqitjet duhet të jenë të kompletuara dhe të argumentuara mirë.

Neni 76

Organet disiplinore janë të obliguara të kujdesen për kompetencat, afatet, parashkrimet dhe shqiptimet e dënimeve.

Neni 77

Konflikti i kompetencave të organeve disiplinore e zgjidh organi i parë më i lartë disiplinor, i cili ka shtrirje më të gjerë të organizimit territorial.

Neni 78

Pas marrjes të fletëparaqitjes, organi disiplinor menjëherë e fillon procedura, e më së largu 8 ditë pas marrjes së saj, përkatësisht marrjes në dijeni për kundërvajtjen e shkaktuar. Kur organi disiplinor e fillon procedurën, ai e fton të pandehurin për dhënien e deklaratës dhe për ta marrë në pyetje.

Neni 79

Procedura disiplinore është urgjente, në shkallë të parë duhet të përfundojë në afat prej 15 ditësh nga dita e inicimit.

Procedura disiplinore në shkallë të dytë duhet të përfundojë në afat prej 30 ditësh nga dita e marrjes së ankesës.

Organi disiplinor i shkallës së parë është i obliguar që në afat prej 8 ditësh nga dita e marrjes së ankesës, ta kompletojë lëndën e procedurës së shkallës së parë dhe atë t'ia përcjellë organit disiplinor të shkallës së dytë në kompetencë të mëtejme.

Neni 80

Në rastet kur nuk veprohet sipas afateve të parapara, kryetari dhe anëtarët e organit disiplinor do të përgjigjen për shkelje të bëra, të parapara me nenin 68 të kësaj rregulloreje.

Neni 81

Përgjegjësia e anëtarit të organizatës së boksit për veprat penale, kundërvajtje disiplinore konform dispozitave të kësaj rregulloreje.

SUSPENDIMI:

Neni 82

Në qoftë se organi disiplinor vërteton se nuk ka vend për hapjen e procedurës disiplinore, me vendim e refuzon fletëparaqitjen e ushtruar. Në qoftë se procedura disiplinore është e hapur,

ndërkohë paraqiten fakte të cilat tregojnë se nuk ka vend për procedurë, organi disiplinor e pezullon atë.

Ndaj këtyre vendimeve të organeve disiplinore, ushtruesi i fletëparaqitjes ka të drejtë ankese komisionit të shkallës së dytë.

Neni 83

Në qoftë se gjatë procedurës disiplinore janë shkaktuar shpenzime, atëherë organi i cili ka udhëhequr procedurën, do të vendosë për subjektet e përmbushjes së tyre. Shpenzimet e shkaktuara nga ana e klubit apo anëtarit të klubit të cilit i shqiptohet dënimi, bien në barrën e buxhetit të klubit.

Në qoftë se klubi apo anëtari i klubit, ndaj të cilit është hapur procedura, lirohet nga përgjegjësia, shpenzimet bien në barrën e buxhetit të organit i cili e ka udhëhequr procedurën.

Neni 84

Organi disiplinor mund të marrë vendim për suspendimin e individit apo organizatës së boksit, në raste kur është paraparë dënimi kohor ose dënimi më i rëndë, varësisht nga pesha dhe kushtet e kryerjes së kundërvajtjes disiplinore. Vendimi mbi suspendimin shpallet në buletin zyrtar ose përpilohet në formë të shkruar dhe i përcillet të suspenduarit.

Neni 85

Koha e suspendimit llogaritet në dënim.

Neni 86

Deri në përfundimin e procedurës disiplinore, suspendimi mund të zgjasë më së shumti 3 muaj. Organi i shkallës së parë është i autorizuar ta ndërprejë suspendimin para përfundimit të procedurës, në qoftë se kanë pushuar arsyet e caktimit të tij. Organi i shkallës së dytë në procedurën sipas ankesës, mund ta ndërpresë suspendimin më heret.

Neni 87

Përgjashtimisht nga dispozitat e nenit 84 paragrafi i kësaj rregulloreje, suspendimi mund të zgjatet më shumë se 3 muaj, nëse nga organet kompetente ka filluar procedura penale ose procedura administrative ndërkohë kundër anëtarëve të organizatës së boksit.

Personi i tillë mund të suspendohet deri në përfundimin e kësaj procedure.

Neni 88

Suspendimi për individë (garues, persona zyrtarë, gjyqtarë, punëtorë sportivë të notit) organe e organizata të boksit, të cilët kanë obligime ndaj organeve gjegjëse, të cilat e udhëheqin të parapara ndaj organeve të përmendura.

SHQIPTIMI I DËNIMEVE

Neni 89

Për marrjen e vendimeve të plotëfuqishme të kundërvajtjeve disiplinore, është e obliguar që në mbledhjet e organeve kompetente disiplinore të marrin pjesë shumica e anëtarëve të organeve gjegjëse. Vendimet merren me shumicë votash të anëtarëve të pranishëm të organeve të cilat u udhëheqin procedurën. Në rast të votimit të barabartë të anëtarëve të pranishëm, vendos vota e kryetarit të organit kompetent (kryetarit të Komisionit të garave etj).

Neni 90

Kundërvajtjet disiplinore dhe suspendimet, të cilat i shqiptojnë organet kompetente disiplinore lidhur me shkeljen e dispozitave të garave, publikohen në buletin zyrtar të organeve të garave.

Në të gjitha rastet e tjera vendimet mbi dënimet përpilohen dhe ato duhen të përmbajnë:

- hyrjen
- dispozitivin,
- arsyetimin dhe
- këshillën për mjetin juridik.
- Hyrja përfshin emrin dhe përbërjen e organit disiplinor, bazën juridike kompetencë, kohën dhe vendin e marrjes së vendimit.

Dispozitivi përfshin të dhënat e kryerësit të kundërvajtjes disiplinore, përshkrimin, llojin e kundërvajtjes, marrësin e dispozitave sipas të cilit është marrë vendimi, lloji dhe lartësia e dënimit, kohën prej kur fillon të llogaritet dënimi dhe vendimi për suspendim.

Arsyetimi duhet të përfshijë afatin gjatë të cilit duhet të ushtrohet ankesa, si dhe mënyrën dhe organin të cilit i dorëzohet.

Këshilla juridike jepet vetëm me mjete të rregullta juridike.

Neni 91

Vendimet e organeve disiplinore, palëve iu dorëzohen personalisht apo me letra postale rekomande. Kur vendimi për dënim publikohet në buletin zyrtar të organeve të garave, organi i disiplinor është i obliguar që dorëzimin e tij t'iu bëjë të gjithë të dënuarve personalisht apo me letër rekomande postale.

Neni 92

Nga një kopje të vendimit mbi dënimet e shqiptuara për persona fizikë, organi disiplinor është i obliguar t'ia dorëzojë njëkohësisht organizatës së boksit, anëtar i së cilës është personi i ndëshkuar. Në qoftë se organi disiplinor nuk e ka adresën e saktë të personit fizik, dorëzimi i vendimit mund të bëhet përmes ekipit, përkatësisht organizatës së boksit, anëtar i së cilës është personi. Në rast të refuzimit të marrjes të vendimit, konsiderohet se është bërë dorëzimi. Refuzimi mbi marrjen e vendimit duhet të argumentohet.

MJETET JURIDIKE:

Neni 93

Kundër vendimit të organit të shkallës së parë, mund të paraqitet ankesa në afat prej 8 ditësh nga dita e marrjes së tij. Ankesa nuk e shtyn ekzekutimin e dënimit. Ankesa i paraqitet organit të shkallës së dytë përmes organit disiplinor të shkallës së parë, me dorëzim personal apo me anë të postës në mënyrë rekomande. Afat i dorëzimit të ankesës merret koha kur personalisht i është dorëzuar organit të shkallës së parë, ose koha kur është dorëzuar në postë në letër rekomande (data me vulë postale).

Neni 94

Kundër vendimit për suspendim mund t'i paraqitet ankesë organit të shkallës së dytë, sikurse është paraparë në nenin paraprak të kësaj rregulloreje, në afat prej 3 ditësh, nga dita e marrjes së vendimit mbi suspendim. Ankesa nuk e shtyn ekzekutimin e vendimit për suspendim.

A. Procedura sipas ankesës

Neni 95

Pas marrjes së ankesës, organi i shkallës së parë është i obliguar që në afatin prej 8 ditësh, atë ta kompletojë me të gjitha shkresat e parashtruara dhe së bashku me mendimin e vet, t'ia përcjellë organit të shkallës së dytë në kompetencë të mëtejme. Procedura e shkallës së dytë duhet të përfundojë në afat prej 30 ditësh prej ditës marrjes së ankesës.

Neni 96

Organi i shkallës së dytë, duke vendosur sipas ankesës mund:

- ankesën ta hedhë si të ushtruar pas afatit të paraparë, apo nga personi i paaautorizuar,
- ankesën ta refuzojë dhe vendimin e organit të shkallës së parë ta vërtetojë,

- ankesën ta aprovojë dhe lëndën t'ia kthejë organit të shkallës së parë në rishqyrtim dhe rivendosje, dhe
- ankesën ta aprovojë, ndërsa vendimin e organit të shkallës së parë ta ndryshojë.

Neni 97

Nëse ankesa është ushtruar vetëm në dobi të të dënuarit, në procedurën e mëtejme kundër tij nuk mund të shqiptohet dënimi më i rëndë.

Neni 98

Vendimi i shkallës së dytë është përfundimtar.

Mjetet e jashtëzakonshme juridike:

Neni 99

Mjetet e jashtëzakonshme juridike konform dispozitave të kësaj rregulloreje janë:

- kërkesa për përsëritjen e procedurës dhe
- kërkesa për mbrojtjen e ligjshmërisë.

Neni 100

Përsëritja e procedurës mund të kërkohet në rast se gjatë udhëheqjes së procedurës paraprake, dukshëm janë shkelur dispozitat materiale të procedurës apo nëse ekzistojnë prova dhe fakte të reja, të cilat janë qenësore në marrjen e vendimit, e të cilat më parë nuk kanë qenë të njohura.

Neni 101

Kërkesa për përsëritjen e procedurës mund të paraqitet në afat prej 30 ditësh nga dita e marrjes në dijeni për faktet dhe provat e reja, përkatësisht nga dita e konfirmimit të shkeljes qenësore të dispozitave të procedurës.

Neni 102

Kërkesa për përsëritjen e procedurës i paraqitet organit disiplinor, i cili ka marrë vendim në shkallën e parë.

Për propozim vendos organi më i lartë disiplinor, të cilit organi i shkallës së parë ia përcjell propozimin me të gjitha shkresat e lëndës. Organi më i lartë disiplinor për garat e FBOXK-së, është Komisioni disiplinor i FBOXK. Për përsëritjen e procedurës vendos i njëjti organ.

Neni 103

Organi kompetent, kërkesën për përsëritjen e procedurës, mund ta hedhë, ta refuzojë, ta aprovojë dhe vetë të udhëheqë procedurë të re ose ta aprovojë dhe kërkesën t'ia kthejë organit të shkallës së parë në riprocedurë dhe rivendosje.

Neni 104

Kërkesën për përsëritjen e procedurës mund ta paraqesë personi i dënuar, organizata e boksit ose paraqitësi i fletëparaqitjes.

Neni 105

Kërkesa për mbrojtjen e ligjshmërisë mund të paraqitet nëse janë bërë shkelje qenësore dhe të rënda të dispozitave të kësaj rregulloreje, apo akteve të tjera të përgjithshme të FBOXK, në të cilat paraqiten shkelje disiplinore dhe procedurat. Sipas kërkesës për mbrojtjen e ligjshmërisë do të veprohet konform dispozitave të parapara me Statutin e FBOXK.

Neni 106

Kërkesën për mbrojtjen e ligjshmërisë, konform dispozitave të kësaj rregulloreje, mund ta paraqesin:

- Këshillat e kontrollit të Federatës kompetente .

- Anëtari i interesuar, ose klubi.

Neni 107

Mbi kërkesën e mbrojtjes së ligjshmërisë vendos

Bordi i FBOXK në raste të kompetencave të organeve disiplinore të ligave të garave.

Neni 108

Bordi kompetent, kërkesën mund ta hedhë, ta refuzojë, ta aprovojë dhe vetë të marrë vendim apo ta aprovojë dhe lëndën t'ia kthejë organit të shkallës së parë në rishqyrtim dhe rivendosje.

Neni 109

Në rast të konfliktit lidhur me kërkesën për mbrojtjen e ligjshmërisë dhe përsëritjen e procedurës, kompetente për zgjidhjen e tij është Bordi i FBOXK-së.

LEHTËSIMI I JASHTËZAKONSHËM I DËNIMIT

Neni 110

Kur ekzistojnë prova të pakontestueshme se dënimi i shqiptuar, i cili është i ekzekutuar, e ka arritur qëllimin e vet në të gjitha aspektet e parapara edukativo-sportive, Bordi i FBOXK-së dhe kryetari i Bordit në raste të caktuara, në jubiletë dhe festat shtetërore mund të lehtësojnë dënimet. Po ashtu lehtësimin e dënimit mund ta bëjë edhe Kuvendi i FBOXK-së nëse më parë Bordi i FBOXK-së ka refuzuar kërkesën për lehtësim të të ndëshkuarit. Lutjen si në rastin e parë edhe në rastin e dytë për uljen e jashtëzakonshme të dënimit, mund ta dorëzojë personi i dënuar, organizata e boksit apo klubi, anëtar i të cilit është i dënuari, dhe këtë së paku 8 ditë para seancës së caktuar të Kuvendit gjegjë.

DISPOZITAT KALIMTARE DHE TË FUNDIT

Neni 111

Në qoftë se sportisti është i dënuar me ndalesë garimi për numër të caktuar të garave, dënimi i shqiptuar konform dispozitave të kësaj rregulloreje, nënkupton garat kampionale dhe të Kupës të organizura nga organet kompetente të FBOXK, si dhe ndeshjet e tjera të paraqitura në programin e FBOXK-së.

Neni 112

Procedura disiplinore para hyrjes në fuqi të kësaj rregulloreje, do të përfundojë sipas dispozitave të rregullores paraprake, në qoftë se ato janë më të favorshme për kryesinë e kundërvajtjes.

Neni 113

Bordi i FBOXK është e autorizuar të japë interpretime autentike të dispozitave të kësaj rregulloreje.

Neni 124

Në Propozicionet e garave nuk mund të parashihen dënime më të lehta ose më të rënda nga të përcaktuarat me këtë rregullore, si dhe mjetet e jashtëzakonshme juridike dhe kompetencat e organeve për vendosjen e tyre. Nëse me Propozicione janë paraparë masa dhe ndëshkime në kundërshtim me dispozitat e kësaj rregulloreje, do të aplikohen dispozitat e kësaj rregulloreje, përkatësisht dispozitat më të favorshme për palën.

Këtë rregullore e harton dhe e miraton Bordi i FBOXK-së ne mbledhjen e mbajtur me 18.06.2022

Kjo rregullore hyn ne fuqi ,duke filluar nga data e miratimit.

Kryetari i FboxK-së
Enver Krasniqi



Prishtinë më
18.06.2022